

Na osnovu člana 12. Zakona o osnovnom odgoju i obrazovanju („Službene novine Bosansko – podrinjskog kantona Goražde“, broj: 05/16, 06/16 - Ispravka, 09/20, 08/23, 06/25), Ministarstvo za obrazovanje, mlade, nauku, kulturu i sport Bosansko-podrinjskog kantona Goražde, **d o n o s i:**

**PEDAGOŠKE STANDARDE I NORMATIVE O IZMJENI
PEDAGOŠKIH STANDARDA I NORMATIVA ZA
OSNOVNI ODGOJ I OBRAZOVANJE**

Član 1.

U Pedagoškim standardima i normativima za osnovni odgoj i obrazovanje (“Službene novine Bosansko – podrinjskog kantona Goražde”, broj: 10/23, 07/24) član 28. mijenja se i glasi:

„Član 28.

(1) Djeca i mladi sa poteškoćama stiču obrazovanje u redovnim školama prema programima prilagođenim njihovim individualnim potrebama ukoliko nije drugačije određeno. Individualizirani program, prilagođen njihovim mogućnostima i sposobnostima, izradit će se za svakog učenika uz obavezno određivanje defektološkog i logopedskog statusa.

(2) Zadovoljavanje obrazovnih potreba djece sa poteškoćama je odgovornost škole.

(3) Škola može dodatno zaposliti asistente za pomoć u odgojno-obrazovnom radu za učenike sa poteškoćama.

(4) Poslove asistenta u nastavi mogu obavljati lica koja posjeduju visoku stručnu spremu, kao i lica koja su završila minimalno I ciklus Bolonjskog visokoobrazovnog procesa u trajanju od tri godine (180 ECTS) bodova sa odgovarajućim profilom kako slijedi: defektolog, edukator-rehabilitator, pedagog, psiholog, socijalni radnik, lica sa završenim pedagoškim fakultetom ili fakultetom nastavničkog smjera, lica sa završenim fakultetom zdravstvenog usmjerenja uz položenu pedagoško-psihološku grupu predmeta, te ukoliko se ne obezbijedi kadar po naprijed navedenim profilima poslove asistenta mogu obavljati i lica sa završenim fakultetima drugih usmjerenja uz položenu pedagoško-psihološku grupu predmeta.

(5) Opis poslova Asistenta u nastavi:

Radni zadaci: (ASISTENT U NASTAVI)	Broj sati
Podrška u pripremi organizacije i realizacije nastavnog procesa Podrška djetetu u snalaženju u školskom okruženju	35
Priprema za nastavu, te praćenje i vođenje dokumentacije i evidencije	2
Saradnja sa porodicom	1
Stručno usavršavanje	1
Rad u stručnim organima	1
UKUPNO	40 sati

- (6) Asistent u nastavi obavlja i druge stručne poslove po nalogu direktora i organa upravljanja.
- (7) Saglasnost za angažovanje ili prijem asistenta u radni odnos daje Ministarstvo na osnovu dostavljenog zahtjeva škole uz Rješenje/Odluku nadležnog organa u kome je navedeno da se nastava pohađa u redovnom odjeljenju uz podršku asistenta i na osnovu mišljenja Stručnog tima škole o obimu potrebe podrške asistenta u odnosu na potrebe svakog učenika pojedinačno.“

Član 2.

Pedagoški standardi i normativi o izmjeni Pedagoških standarda i normativa za osnovni odgoj i obrazovanje stupaju na snagu danom donošenja, a naknadno će se objaviti u “Službenim novinama Bosansko – podrinjskog kantona Goražde”

Broj: 10-34-2238/25
Goražde, 13.06.2025. godine

MINISTAR

Adisa Alikadić Herić